



<i>Identificación do rexistro e funcionario</i> REGISTRO MARIA PITA EFI		SELO DE ENTRADA Data:21/04/2017 Número:10319 15030 A RMPE1107YN
<i>Código do asento</i> RMPE1107YN	<i>Data e hora de rexistro</i> 21/04/2017 12:01:05	

XUSTIFICANTE DE PRESENTACIÓN DE DOCUMENTOS NO REXISTRO

DATA, HORA E NUMERO DE REXISTRO

21/04/2017 12:01:05 nº10319

EXTRACTO (Contido do escrito)

SOLICITA XUNTANZA CO SR. ALCALDE

INTERESADOS

PRI: GRUPO MUNICIPAL DO BLOQUE NACIONALISTA GALEGO <--> Plaza MARIA PITA, Nº1 , CP 15001 - CORUÑA (A) - A CORUÑA

DOCUMENTACIÓN ACHEGADA

2U5T1Z672C2S571V0BNG - Solicitud Xeral

Este xustificante deberá ser presentado para obter calquera información sobre o escrito ao que fai referencia

LENDAS: [F]Funcionario [N]Negociado [O]Outros [PRI]Principal [REP]Representante [SEC]Secundario



Avia Veira González, concelleira do Grupo Municipal do **BLOQUE NACIONALISTA GALEGO - ASEMBLEAS ABERTAS** (BNG-AA), no meu nome e en representación deste,

EXPOSICIÓN DE MOTIVOS

O pasado 28 de decembro de 2016, o Pleno da Coruña, en sesión extraordinaria rexeitou o proxecto de Orzamento Xeral do Concello da Coruña para o exercicio 2017. Como consecuencia deste rexeitamento, o Goberno local decide someter a Pleno a cuestión de confianza vincellada a aprobación do orzamento, que ten lugar o 4 de febreiro de 2017. Nesa sesión extraordinaria do Pleno, a cuestión de confianza foi rexeitada e transcorrido o prazo dun mes e, ao non presentarse moción de censura nese tempo, o Alcalde resolveu, por imperativo legal e de acordo co artigo 197 bis, 5 da Lei orgánica 5,1985, do 19 de xuño, Reguladora do Réxime Electoral Xeral, entender outorgada a confianza e aprobado inicialmente o Orzamento Xeral do Concello da Coruña e os demais acordos complementarios que figuraban na proposta.

No período previo á sesión de aprobación inicial do orzamento, en decembro do pasado ano, o Grupo Municipal do Bloque Nacionalista Galego e da Marea Atlántica chegamos a un acordo de inclusión dunha serie de partidas a través da negociación dunha emenda ao ditame da Comisión de Facenda de data 23 de decembro de 2016, rexistrada co n.º29835. A dita emenda, na súa versión transaccionada, foi votada no propio pleno de aprobación dos orzamentos e foi rexeitada ao votarse conxuntamente cos orzamentos.

No entanto, na sesión extraordinaria do Pleno, de 4 de febreiro de 2017, na que se debateu a cuestión de confianza, o alcalde e voceiro do Goberno Local e do Grupo Municipal da Marea Atlántica, Xulio Ferreiro, sinalou o seguinte, que figura na acta do mesmo:

"Non podemos, polo tanto, o lamento, fondamente, incluir as propostas do Bloque Nacionalista Galego, pero, reitero aquí o que xa lle trasladei persoalmente á señora Veira e confirmei publicamente. Mantemos a nosa palabra, mantemos o noso compromiso. Intentaremos encaixar no orzamento, se sae aprobado, as propostas do Bloque Nacionalista Galego e se hai vimbios neste Pleno tamén impulsaremos un modificativo de crédito para poder incluir as propostas do Bloque Nacionalista Galego. Ese foi o noso compromiso. Ese compromiso o mantivemos nas conversas cos restantes grupos municipais e ese compromiso, señora Veira, segue en pe."

Tamén o voceiro do Grupo Municipal Socialista, José Manuel García, en relación cun pacto ao que chegaran os socialistas co Goberno local o mércores anterior pola noite polo "ben da cidade" e, de entre eses puntos, sinalaba o seguinte:



"-Segundo: aprobábamos las enmiendas íntegras del Bloque Nacionalista Galego. Nos pareció una buena idea incorporarlas a un acuerdo presupuestario global de carácter progresista."

Este Grupo Municipal entende que o acordo para a aprobación dos orzamentos ao que o BNG chegou coa Marea Atlántica ía vinculado á inclusión das achegas presentadas en forma de emenda co carácter previo ao 28 de decembro que polo tanto para que o orzamento puidera prosperar co voto do Bloque Nacionalista Galego será necesario que a Goberno Local garanta cunha periodización concreta o impulso "do modificativo de crédito para poder incluír as propostas do Bloque Nacionalista Galego", tal e como sinalou o alcalde e voceiro do Goberno e do Grupo Municipal da Marea Atlántica, Xulio Ferreiro, na sesión da cuestión de confianza do 4 de febreiro deste ano.

É por isto que

SOLICITO

Que o alcalde programe unha xuntanza co Grupo Municipal do Bloque Nacionalista Galego-Asembleas Abertas (BNG-AA) para cumplir co manifestado polo alcalde e voceiro do Goberno e do Grupo Municipal da Marea Atlántica, Xulio Ferreiro, na sesión da cuestión de confianza do 4 de febreiro deste ano, de cara a acordar unha periodización concreta do impulso do modificativo de crédito para incluir as achegas presentadas en forma de emenda co carácter previo ao 28 de decembro e cumplir así co acordo para a aprobación dos orzamentos.

A Coruña, 21 de abril de 2017

A handwritten signature in blue ink, appearing to read "Avia Veira González".

Avia Veira González

Portavoz do Grupo Municipal do BNG

AO ALCALDE-PRESIDENTE DO CONCELLO DA CORUÑA